

SECRETARÍA XERAL
Xestión de Xuntas de Goberno
2024/G007/000008

D. JOSÉ MARÍA VÁZQUEZ PITA, SECRETARIO XERAL, DO CONCELLO DE ARTEIXO (A CORUÑA)

C E R T I F I C A:

Que pola Xunta de Goberno Local, en sesión Ordinaria celebrada o xoves 18 de abril de 2024, adoptouse, entre outros, o seguinte **ACORDO**:

“10. APROBAR O CONVENIO DE COLABORACIÓN ENTRE O CONCELLO DE ARTEIXO E A ASOCIACIÓN DE DANO CEREBRAL DE A CORUÑA (ADACECO) PARA O ANO 2024.-

CONCELLERÍA DE IGUALDADE, SERVIZOS SOCIAIS,

SANIDADE E EDUCACIÓN

CENTRO DE SERVIZOS SOCIAIS

PROCEDIMENTO.- Convocatoria Subvenciones Nominativas

Ref.: IRA/ESL/ajmc/2024

Expediente.- 2024/A004/000004

Proposta de Acordo

CONVENIO DE COLABORACIÓN COA ASOCIACIÓN DE DANO CEREBRAL ADQUIRIDO DA CORUÑA- ADACECO- PARA O ANO 2024.

O Pleno da Corporación aprobou, na sesión do día 31 de outubro de 2023, o Orzamento municipal no que se contempla a subvención nominativa destinada a Atención neuropsicolóxica, fisioterapia, logopedia, terapia ocupacional e outras terapias destinadas a persoas con Dano Cerebral Adquirido, por un importe de 10.000,00 €.

No Departamento de Servizos Sociais consta documentación suficiente da entidade, tanto no referente ao seu carácter non lucrativo, como relativa á capacidade de representación de D. Juan Luís Delgado

Documento asinado electronicamente, pódese validar a sinatura co código indicado na marxe na Sede Electrónica <https://sede.arteixo.org/> (O código de verificación garante, mediante o cotexo na sede electrónica municipal, a integridade do documento (artigo 27.3.d da Lei 39/2015, de 1 de Outubro, do Procedemento Administrativo Común das Administracións Públicas)

Fernández. Igualmente contamos con documentación suficiente que acredita a condición de ADACECO como entidade sen ánimo de lucro.

A Lei 13/2008 de servizos sociais de Galicia establece que corresponde aos concellos, no marco da planificación e ordenación xeral do sistema galego de servizos sociais, entre outras, as competencias de creación, xestión e mantemento dos servizos Sociais comunitarios básicos, a colaboración no fomento dos servizos sociais especializados no ámbito local así como a Promoción e coordinación dos servizos sociais.

A Lei 38/2003, de 17 de novembro, xeral de subvencións, dispón non seu artigo 22.2 que poderán concederse de forma directa as subvencións previstas nominativamente nos orzamentos, nos termos establecidos nos convenios e na normativa reguladora destas subvencións, e o artigo 28 establece que os convenios serán o instrumento habitual para canalizar estas subvencións.

No ámbito local, o Plan Estratéxico de subvencións prevé no artigo XII.- PROCEDEMENTOS DE CONCESIÓN, o outorgamento de subvencións, excepcionalmente, a través de concesión directa, a favor de persoas físicas ou xurídicas, públicas ou privadas, comunidades de bens, etc. e que o procedemento para a concesión, sexa o Convenio. A concesión de subvención a ADACECO, mediante convenio, está incluída no obxectivo de Benestar Social, liña de subvención 1.1.3 persoas en situación de dependencia. Os indicadores de avaliación deben ser, ao menos, o número de persoas beneficiarias e o importe/persoa.

A concesión de subvención a ADACECO, mediante convenio, está incluída no obxectivo de Benestar Social, liña de subvención 1.3.2 persoas en risco de exclusión. Indica ademais, que os indicadores de avaliación deben ser, ao menos, o número de persoas ocupadas no centro. Respecto ao ano 2023 os datos son os seguintes,

Nº de persoas beneficiarias: 5

Importe/persoa: 2.000 €

Segundo os seus estatutos ADACECO é unha entidade sen ánimo de lucro e cos fins, entre outros, de integración social, coidado, protección e asistencia aos afectados por Dano Cerebral Adquirido, acollida aos familiares así como a prestación de servizos asistenciais, sanitarios, educativos e sociais etc. ás persoas afectadas.

ADACECO consta rexistrada no Rexistro Único de Entidades Prestadoras de Servizos Sociais (RUEPSS) da Xunta de Galicia desde 2010, como un centro destinado a persoas discapacitadas

Documento asinado electronicamente, pódese validar a sinatura co código indicado na marxe na Sede Electrónica <https://sede.arteixox.org/> (O código de verificación garante, mediante o cotexo na sede electrónica municipal, a integridade do documento (artigo 27.3.d da Lei 39/2015, de 1 de Outubro, do Procedemento Administrativo Común das Administracións Públicas)

gravemente afectadas, con domicilio nas Xubias nº 15- 15006 A Coruña. Presta asistencia a persoas afectadas por dano cerebral adquirido da cidade da Coruña e a súa área xeográfica de influencia, na que se encontra o Concello de Arteixo. Na solicitude refiren contar con 10 persoas asociadas empadroadas en Arteixo que reciben asistencia e tratamento.

Forma parte da *Federación Española de Daño Cerebral (FEDACE)* e da *Federación Galega de dano cerebral (FEGADACE)*, xunto con outras 4 entidades galegas de Santiago, Pontevedra, Lugo e Ourense.

No departamento non temos constancia de que no territorio de Arteixo ou concellos próximos operen outras entidades semellantes. Consta na memoria da entidade do ano 2020 o inminente concerto de prazas de atención a persoas afectadas coa Comunidade Autónoma así como referencia á derivación de casuística por parte da Consellería de Sanidade o que fai pensar que son o centro de referencia para a rehabilitación a longo prazo das persoas afectadas por dano cerebral adquirido.

Ofrece servizos de: Atención Social, Terapias intensivas de neurorrehabilitación, Fisioterapia neurolóxica, Logopedia, Terapia ocupacional, Neuropsicoloxía, Asesoramento Xurídico, Actividades de ocio e tempo libre e Transporte adaptado.

Contan con dúas modalidades de atención:

- Un Centro de día terapéutico.
- Atención ambulatoria, na que ofrecen os servizos sinalados.

Na documentación presentada indican que este servizo para o que solicitan axuda ao Concello de Arteixo, non conta con ningunha outra subvención nin axuda de ningún organismo público nin privado.

Consideramos que a súa actividade é de interese social para a comunidade polo cal propónse a sinatura do convenio que se somete a aprobación.

O día 27/02/2024 (Rexistro número 202499900001688) recíbese a solicitude de subvención na que ADACECO solicita financiamento para os servizos de **Atención neuropsicoloxica, fisioterapia, logopedia, terapia ocupacional e outras terapias destinadas a persoas con Dano Cerebral Adquirido**, polo cal o convenio ten por obxecto a colaboración económica para a prestación dese servizo a persoas asistentes á asociación ao longo deste ano 2024.

A entidade xustificou correctamente a subvención outorgada no ano 2023.

Obra no expediente informe técnico emitido ao respecto, en data 05/03/2024 por Enma Sánchez Labandeira, Coordinadora do departamento de Servizos Sociais, CVD: sTaTTZWUOwU7tvLOz9d

Por todo o exposto, propónse a adopción dos seguintes

ACORDOS:

1. Aprobación a subvención nominativa destinada á Asociación de dano cerebral adquirido (ADACECO), con CIF nº G15780166, representado por D. Juan Luís Delgado Fernández, con NIF 30192035 G.
2. Aprobación o contido do Convenio de Colaboración, que se transcribe a continuación.
3. Aprobación a sinatura do Convenio con dita nas seguintes condicións:
 - IMPORTE DO CONVENIO: 10.000,00€.
 - ORZAMENTO QUE SE HA XUSTIFICAR: 10.000,00€.
 - PRAZO DE XUSTIFICACIÓN: 30/11/2023
4. Aprobación o pago dun anticipo do 80% do importe total do convenio (.8,000,00€), unha vez asinado.
5. O pago O pago do 20% restante (2.000,00€) queda supeditado á presentación e aprobación pola Xunta de Goberno Local, da conta xustificativa.
6. Dar traslado ao departamento de intervención do presente acordo, aos efectos oportunos.
7. Facultar á Concelleira de Igualdade, Servizos Sociais, Sanidade e Educación, D^a Inés Ramos Álvarez, para a sinatura do convenio e cantas xestións sexan necesarias.

CONVENIO DE COLABORACIÓN ENTRE O CONCELLO DE ARTEIXO E A ASOCIACIÓN DE DAÑO CEREBRAL ADQUIRIDO- ADACECO- PARA O ANO 2024

REUNIDOS

Dunha parte a Concelleira de Igualdade, Servizos Sociais, Sanidade e Educación, Dona INÉS RAMOS ÁLVAREZ, que actúa en nome e representación do Concello de Arteixo facultada por acordo da Xunta de Goberno Local do día do ano actual.

Doutra, D. Juan Luís Delgado Fernández, con DNI 30192035G en nome e representación da *Asociación de Daño Cerebral Adquirido A Coruña*, con CIF: G-15780166 e con sede en Lugar As Xubias de Arriba, 15 - 15006, A Coruña.

De conformidade co disposto no artigo 1 do RDL 781/1986, de 18 de abril, do Texto Refundido das disposicións legais vixentes en materia de Réxime Local, O Concello de Arteixo ten plena capacidade xurídica para obrigarse e exercer as accións previstas nas leis.

En virtude do estipulado na Lei 7/1985, de 2 de abril, reguladora das Bases de Réxime Local, este Concello está legalmente apoderado para a planificación das súas áreas municipais promovendo actividades que contribúan a satisfacer as demandas e aspiracións dos seus veciños sempre tendo en conta as competencias que lle corresponden ás administracións municipais definidas no artigo 4 da mencionada lei. Entre outras, ten atribuídas as potestades regulamentarias e de autoorganización, de programación ou planificación.

A mesma Lei (Lei 7/1985, de 2 de abril, Reguladora das Bases de Réxime Local), no artigo 2, modificado pola Lei 27/2013, de 27 de decembro, de racionalización e sustentabilidade da Administración Local, indica que se debe asegurar ós Concellos (entre outras administracións) o seu dereito a intervir en cantos asuntos afecten directamente ao círculo dos seus intereses para o que se lles atribúe competencias que lles permitan a atención ás características da actividade pública de que se trate e á capacidade de xestión da entidade local para o cumprimento dos principios de descentralización, proximidade, eficacia e eficiencia.

Que en cumprimento da lexislación aplicable as entidades locais poden exercer competencias, entre outras, nas seguintes materias: medio ambiente urbano, avaliación e información de situacións de necesidade social e atención a persoas en situación de risco de exclusión social, promoción da cultura, promoción turística, promoción do deporte e ocupación do tempo libre e, polo tanto, as derivadas da planificación e organización dos servizos e actividades de cada unha.

Documento asinado electronicamente, pódese validar a sinatura co código indicado na marxe na Sede Electrónica <https://sede.arteixox.org/> (O código de verificación garante, mediante o cotexo na sede electrónica municipal, a integridade do documento (artigo 27.3.d da Lei 39/2015, de 1 de Outubro, do Procedemento Administrativo Común das Administracións Públicas)

A ASOCIACIÓN DE DAÑO CEREBRAL ADQUIRIDO DA CORUÑA, ten plena capacidade para asinar o presente convenio e non se atopa incurso en ningún dos supostos do artigo 13 da Lei 38/2003, de prohibición para obter subvencións ou axudas públicas.

Considerando que o obxecto do presente convenio non se atopa dentro do ámbito obxectivo da *Ley 9/2017, de 8 de noviembre, de Contratos del Sector Público*.

Considerando que, de conformidade co previsto no artigo 28.1 da Lei 38/2003, de 17 de novembro, Xeral de Subvencións, os convenios serán o instrumento habitual para canalizar as subvencións previstas nominativamente nos orzamentos das corporacións locais.

Considerando que, de conformidade co previsto no artigo 2 da Lei 38/2003, de 17 de novembro, a subvención de referencia cumpre os seguintes requisitos:

1. Que a entrega se fai sen contraprestación directa dos beneficiarios.
2. Que a entrega está suxeita ao cumprimento duns obxectivos, proxectos ou actividades, debendo o beneficiario cumprir as obrigas materiais e formais que se establezan.
3. Que o proxecto, acción ou situación financiada teñan por obxecto unha actividade de utilidade pública ou interese social ou de promoción de finalidade pública.

Por todo o exposto, **ACORDAN** Subscribir este convenio de cooperación, que estará suxeito ás seguintes CLÁUSULAS:

PRIMEIRA. OBXECTO

O obxecto do presente convenio é a colaboración municipal no financiamento da **Atención neuropsicolóxica, destinada a persoas con Dano Cerebral Adquirido** pertencentes a ADACECO.

SEGUNDA. COMPATIBILIDADE

O importe máximo da axuda concedida non poderá, en ningún caso, superar o custo das actividades/investmentos que desenvolva a entidade; estas axudas serán compatibles, para os mesmos gastos subvencionables, con outras axudas concedidas por entidades públicas ou privadas sempre que a acumulación de axudas non supere a totalidade do custo elixible e se respecten as condicións establecidas en cada réxime de axudas, na normativa nacional e comunitaria aplicable.

Documento asinado electronicamente, pódese validar a sinatura co código indicado na marxe na Sede Electrónica <https://sede.arteixo.org/> (O código de verificación garante, mediante o cotexo na sede electrónica municipal, a integridade do documento (artigo 27.3.d da Lei 39/2015, de 1 de Outubro, do Procedemento Administrativo Común das Administracións Públicas)

En caso de que o conxunto das axudas supere o custo das actividades, esta axuda reducirase na cantidade necesaria ata acadar o cumprimento do establecido anteriormente.

Serán subvencionables aqueles gastos que de xeito indubidable, respondan á natureza da actividade subvencionada e sexan realizados e efectivamente pagados entre o 1 de xaneiro e o 30 novembro do ano actual.

Non serán subvencionables, ademais dos gastos sinalados na normativa de referencia como non subvencionables, os gastos de mantemento das instalacións, alugueres, bens funxibles nin os susceptibles de inclusión en inventario.

TERCEIRA. DEREITOS E OBRIGAS DA ENTIDADE ADACECO

A entidade ADACECO comprométese a:

- Destinar o importe do convenio á finalidade prevista na cláusula primeira, que se realizará no ano 2024.
- A presentar a documentación xustificativa que se determina neste convenio.
- A conservar dita documentación en tanto poidan ser obxecto de comprobación ou control.
- A reintegrar os fondos recibidos nos supostos que proceda.
- Comunicar calquera modificación que se produza nos seus datos ou mesmo na actividade subvencionada.
- **Comunicar a obtención doutras subvencións, axudas, ingresos ou recursos que financien a actividade que se subvenciona. Dita comunicación efectuarse tan pronto se coñeza e, en todo caso, antes das xustificación da aplicación dada aos fondos percibidos.**

En todas as actividades organizadas directamente pola entidade ADACECO e que teñan relación co obxecto do convenio, deberá incluír a este Concello como entidade financiadora do servizo. (Artigo 18.4 da Lei 38/2003).

Ademais das anteriores obrigas, de conformidade co previsto no artigo 14 da Lei 38/2003, de 17 de novembro, Xeral de Subvencións, son tamén obrigas da entidade:

- a) Someterse ás actuacións de comprobación efectuadas polo Concello de Arteixo.
- b) Comunicar a obtención doutras subvencións, axudas, ingresos ou recursos que financien a mesma actividade deste convenio.
- c) Dispoñer e ter ao día baixo a súa responsabilidade, as licenzas e autorizacións de organismos competentes en materia de sanidade, traballo, educación ou facenda, así como os libros, rexistros e demais documentos contables esixibles, no seu caso, pola lexislación mercantil.

CUARTA. CRÉDITO ORZAMENTARIO E IMPORTE DO CONVENIO

O Concello de Arteixo comprométese a financiar a ADACECO cun total de dez mil euros (10.000€) neste ano 2024, destinados a sufragar gastos definidos na cláusula primeira, pagadeiros do seguinte xeito:

- O 80% á sinatura do Convenio sempre supeditado á existencia de crédito orzamentario adecuado e suficiente.
- O 20% restante ao remate do mesmo, unha vez presentada a conta xustificativa pola Asociación e aprobada polo órgano de goberno.

QUINTA. PRAZO DE VIXENCIA E ENTRADA EN VIGOR

O presente convenio entrará en vigor o día da súa sinatura e estará vixente ata o 31 de decembro do ano actual.

SEXTA.REQUISITOS DA ENTIDADE ADACECO COMO BENEFICIARIA:

ADACECO non poderá obter a condición de beneficiario no caso de concorrer nalguna das circunstancias seguintes:

- a) Ter sido condenada mediante sentenza firme á pena de perda da posibilidade de obter subvencións ou axudas públicas.
- b) Ter solicitado a declaración de concurso, ter sido declarado insolvente, estar declarado en concurso, estar suxeito a intervención xudicial ou ter sido inhabilitado conforme á Lei Concursal.
- c) Ter dado lugar, por ter sido declarado culpable, á resolución firme de calquera contrato celebrado coa Administración.
- d) Estar incursos aqueles que ostenten a representación legal da entidade, nalgún dos supostos de incompatibilidade a que fan referencia a Lei 53/1984, de Incompatibilidade de Persoal ao Servizo das

Documento asinado electronicamente, pódese validar a sinatura co código indicado na marxe na Sede Electrónica <https://sede.arteixo.org/> (O código de verificación garante, mediante o cotexo na sede electrónica municipal, a integridade do documento (artigo 27.3.d da Lei 39/2015, de 1 de Outubro, do Procedemento Administrativo Común das Administracións Públicas)

Administracións Públicas ou tratarse de cargos electivos regulados na Lei Orgánica 5/1985, de Réxime Electoral Xeral.

- e) Non atoparse ao corrente no cumprimento de obrigas tributarias ou fronte á Seguridade Social.
- f) Ter residencia fiscal nun país ou territorio cualificado de paraíso fiscal.
- g) Non estar ao corrente no pago de obrigas por reintegro de subvencións ou convenios.
- h) Ter sido sancionado mediante resolución firme coa perda da posibilidade de obter subvencións ou asinar convenios.

SÉTIMA. PRAZO E DOCUMENTACIÓN XUSTIFICATIVA

O prazo de xustificación rematará o **día 30 de novembro do ano actual** e deberá acadar, polo menos, o importe do Orzamento concedido.

Para o pagamento, o Concello de Arteixo deberá aprobar previamente a conta xustificativa que se presentará no Rexistro Xeral do Concello con destino ó Departamento de Servizos Sociais, e deberá respectar o contido mínimo que marca o artigo 75 do RD 887/2006, Regulamento de Subvencións, polo que deberá incluír:

1. Certificación da Secretaria da entidade, co visto e prace do Presidente, na que se faga constar que o gasto foi reflectido, na forma preceptiva, no libro de contabilidade da entidade, segundo o disposto no artigo 14.1 da Lei 38/2003 de 17 de novembro xeral de subvencións.
2. Declaración asinada pola persoa representante da entidade de todas as axudas percibidas ou solicitadas para a actividade subvencionada.
3. Memoria de actuacións xustificativa do cumprimento da finalidade do convenio, con indicación das actividades realizadas e dos resultados obtidos. A memoria incluírá ao menos os seguintes documentos:
 - a. Listaxe resumo das persoas beneficiarias que inclúa apelidos e nome, DNI/NIE, sexo, concello de residencia e número de sesións recibidas en 2024. A listaxe entregárase en formato pdf e ademais nun formato que permita o tratamento de datos (Word/ Excel ou arquivo de software libre). O Concello dispón dun impreso modelo que a entidade poderá utilizar. En todo caso, os datos mínimos serán os que se describen nesta alínea.
 - b. Listaxe das sesións recibidas asinada cada sesión pola participante, sempre que sexa posible a recollida de sinatura. De non ser así, deberá estar indicado no impreso. O Concello dispón dun

Documento asinado electronicamente, pódese validar a sinatura co código indicado na marxe na Sede Electrónica <https://sede.arteixo.org/> (O código de verificación garante, mediante o cotexo na sede electrónica municipal, a integridade do documento (artigo 27.3.d da Lei 39/2015, de 1 de Outubro, do Procedemento Administrativo Común das Administracións Públicas)

impreso modelo que a entidade poderá utilizar. En todo caso, os datos mínimos serán os que se describen nesta aliña.

c. Persoal implicado indicando se forman parte do cadro de persoal ou se se trata de persoal externo ou voluntario. No caso de persoal propio, copia do contrato da profesional e no caso de persoal externo, facturas emitidas polo desenvolvemento da terapia financiada con estes fondos.

d. Incidencias rexistradas, se as houbera.

e. Carta de pago en caso de reintegro de sobrantes, no seu caso.

4. No caso de presentación de facturas, achegaranse orixinais ou copias cotexadas, recibos, nóminas e demais documentos de valor probatorio, polos conceptos incluídos e polo importe mínimo de 10.000,00€. Estes documentos, ademais, están suxeitos ás seguintes normas:

a) Coa finalidade de dar cumprimento ó disposto no art. 30.3 da Lei 38/2003, xeral de subvencións, no caso de presentar fotocopias compulsada, antes de facer a fotocopia o concello deberá estender no orixinal da factura unha dilixencia na que se faga constar que foi utilizada como xustificante de gasto para a obtención dunha subvención do Concello de Arteixo, con indicación da porcentaxe imputada a esta subvención.

b) As facturas conterán como mínimo o número de factura e indicación expresa de que se trata dunha factura, lugar e data de emisión, denominación social, NIF e domicilio de quen expide a factura e do destinatario, desglose do IVE, con indicación do tipo aplicable e total. Figurará tamén a descrición completa e desagregada do concepto ou conceptos polos que se factura.

c) O pagamento das facturas, nóminas ou documentos equivalentes, acreditarase mediante xustificantes bancarios (xustificante de transferencia bancaria, xustificante bancario de ingreso de efectivo, certificación bancaria, etc.) nos que consten o número de factura obxecto de pagamento, a identificación da persoa pagadora e da destinataria do pagamento, que deberá coincidir coa persoa, empresa ou entidade que emite a factura.

d) Os gastos de persoal acreditaranse, mediante facturas ou nóminas e deberán acompañarse do xustificante de ingreso do IRPF na Axencia Tributaria.

e) A substitución de facturas por outro documento unicamente será válido nos supostos mencionados no artigo 4 do RD 1496/2003, Regulamento de Facturación.

f) Certificación acreditativa de estar ao corrente das obrigas fiscais coa facenda estatal e autonómica e certificación acreditativa de estar ao corrente das obrigas ca Seguridade Social. Estas certificacións poderanse substituír por declaración responsable da persoa beneficiaria da subvención no caso de que a subvención concedida non supere o importe de 3.000,00 €. A comprobación de estar ao corrente das obrigas fiscais será realizada polo Concello de Arteixo de oficio.

OITAVA. TRAMITACIÓN DA XUSTIFICACIÓN

Á vista da documentación xustificativa presentada, logo do informes do departamento de Servizos Sociais e do Servizo de Intervención, o órgano competente valorará o cumprimento da actividade subvencionada e, se a documentación é correcta, procederase ó pagamento da subvención, que se materializará mediante ingreso na conta bancaria sinalada pola entidade.

Unha vez transcorrido o prazo de xustificación sinalado neste Convenio sen que a entidade presentase a documentación xustificativa, a unidade xestora requiriralle para que a presente no prazo improrrogable de 15 días dende a notificación.

A falta de presentación da documentación neste prazo suporá a renuncia á subvención outorgada, sen prexuízo das responsabilidades dispostas na LXS.

A presentación da documentación nese prazo excepcional non eximirá a entidade beneficiaria da sanción que lle corresponda segundo a seguinte gradación:

- Atraso na presentación da xustificación de ata un mes: sanción do 10% do importe da subvención, co límite de 250,00 €.
- Atraso na presentación da xustificación dun mes ata tres: sanción do 20% do importe da subvención, co límite de 1.000,00 €.

Aplicarase a compensación para o cobramento da sanción, agás que a entidade sancionada formule a oposición á sanción ata que se resolva o recurso.

Para outros incumprimentos e sancións non previstos neste apartado será de aplicación o disposto na normativa legal de subvencións.

NOVENA. REINTEGRO

Procederse ao reintegro da cantidade concedida en concepto do convenio nos seguintes casos:

- a) Cando o importe do convenio supere os gastos efectivamente realizados. Neste caso a entidade ADACECO presentará, xunto coa conta xustificativa, a carta de pago polo reintegro que corresponda.
- b) Cando a entidade non xustifique o cumprimento da finalidade do Convenio.
- c) Cando se incumpra a obriga de xustificación.

Nestes últimos casos, o procedemento de reintegro iniciárase mediante acordo da Xunta de Goberno, no que se indique a causa, as obrigas incumpridas e o importe da subvención concedida. Este acordo notificarase á entidade colaboradora, que disporá dun prazo de quince días para presentar alegacións.

No caso de que formule alegacións, emitirase un informe polo departamento de Intervención previa adopción do acordo definitivo de reintegro por parte da Xunta de Goberno; se transcorridos os 15 días a

entidade non presenta alegacións, o acordo inicial de reintegro entenderase firme, e notificaráselle ao afectado para que realice o ingreso no prazo e forma que establece o RD 939/2005, polo que se aproba o Regulamento xeral de recadación.

DÉCIMA. COMISIÓN MIXTA DE SEGUIMIENTO, CONTROL E AVALIACIÓN DO CONVENIO

Constitúese unha comisión mixta de seguimento e avaliación á que serán sometidas todas as cuestións derivadas do desenvolvemento deste convenio, así como a resolución de cantas dúbidas puideran xurdir sobre o mesmo.

Esta comisión estará composta por:

- A concelleira de Servizos Sociais, Concello de Arteixo.
- Unha técnica do departamento de servizos sociais.
- Por parte da Entidade ADACECO, o presidente ou persoa na que delegue.

Co fin de unificar e adaptar a regulación municipal relativa á actividade de fomento, o Concello de Arteixo aproba e asina o presente convenio, axustado e baseado na Lei 38/2003, de 17 de novembro, Xeral de Subvencións, ao RD 887/2006, de 21 de xullo polo que se aproba o Regulamento da Lei de Subvencións, á Lei 9/2007, de 13 de xuño, de subvencións de Galicia, e a todas as demais normas concordantes coas citadas anteriormente.

DÉCIMO PRIMEIRA. MODIFICACIÓN DO CONVENIO

Toda alteración das condicións tidas en conta para a concesión desta axuda e, en todo caso, a obtención concorrente doutras subvencións ou axudas outorgadas por outras administracións ou entes públicos ou privados, nacionais ou internacionais para o mesmo fin, poderán dar lugar á modificación do presente convenio.

DÉCIMO SEGUNDA. RÉXIME SANCIONADOR O procedemento sancionador axustarase ao previsto no Título IV da Lei 38/2003 do 17 de novembro, xeral de subvencións. Constitúen infraccións administrativas en materia de subvencións as accións e omisións tipificadas na dita Lei 38/2003.

DÉCIMO TERCEIRA. CAUSAS DE RESOLUCIÓN

Serán causas de resolución do presente convenio e darán lugar no seu caso, ao reintegro das cantidades percibidas:

- O acordo das partes asinantes.
- O incumprimento total ou parcial de calquera das cláusulas establecidas nel.
- A concorrencia de circunstancias que determinen a imposibilidade de realizar as actuacións previstas no convenio.
- A aplicación dos fondos outorgados no convenio para fins distintos aos que motivaron a concesión da axuda.
- A falta de xustificación das cantidades recibidas.

DÉCIMO CUARTA. NATUREZA E RÉXIME XURÍDICO APLICABLE

O presente convenio terá carácter administrativo. O seus efectos rexeranse polo establecido nas cláusulas do mesmo e, no seu defecto, polo regulado na Lei 40/2015, de 1 de outubro, de réxime xurídico do sector público.

En proba de conformidade ambas partes de mutuo acordo asinan o presente convenio no lugar sinalado na cabeceira, e perante min, José María Vázquez Pita, Secretario Xeral do Concello.

Asinado dixitalmente na data do documento electrónico por:

D. Juan Luis Delgado Fernández, Presidente de ADACECO

D^a Inés Ramos Álvarez, Concelleira de Igualdade, Servizos Sociais, Sanidade e Educación

Ante o Secretario Xeral do Concello, D. José María Vázquez Pita

****** Polo Secretario Xeral, dase conta que obra no expediente informe de fiscalización (CVD: o8+kLPOT8L3c0T3d1D7y), emitido pola Viceinterventora Municipal, Dña. Luz María Villa Álvarez, en data 18 de marzo de 2024, con resultado de fiscalización favorable.

Visto o anterior, e considerando que a adopción deste acordo é competencia desta Xunta de Goberno Local en virtude das delegacións efectuadas polo Alcalde deste Concello, mediante decreto 2005/2023 de data 19 de Xuño do 2023, a Xunta de Goberno Local, en VOTACIÓN ORDINARIA e por UNANIMIDADE DOS/AS PRESENTES, acorda prestar aprobación aos acordos transcritos na proposta que se deixa reflectida.”

E para que conste, aos efectos oportunos no expediente da súa razón e en cumprimento do disposto no artigo 3.2 f) do Real Decreto 128/2018, de 16 de marzo, polo que se regula o réxime xurídico dos funcionarios de Administración Local con habilitación de carácter nacional, e nos artigos 204 e 205 do Regulamento de Organización, Funcionamento e Réxime Xurídico das Entidades Locais expido a presente certificación coa salvedade prevista no artigo 206 do texto regulamentario citado e a reserva dos termos que resulten da aprobación da acta correspondente, de orde e co visto e praxe do Sr. Alcalde, D. Carlos Calvelo Martínez, que se asina dixitalmente en Arteixo por ambos, á data sinalada no documento electrónico, rubricada polo/a funcionario/a tramitador/a.